

Ajornartoornermi qitornat imatut ikorfartussavat

Ajornartoornermi qitornat imatut ikorfartussavat

Nunarsuarmi tamarmi pissutsit allanngussagaluarpata ajorninngorlutik, taava isumassarsiatsialaavoq sapinngisamik ulluinnarni inuunerup meeqqanut inersimasunullu toqqissisimanartuunissaa eqqumaffigissallugu. Ajornartoornermi uagut ulluinnarni inuunerput allanngorluinnarsinnaavoq, piffissallu ilaani qulartoqartarsinnaallunilu toqqissisimananngitsoqartarsinnaavoq.

Qitornavit oqaloqatiginerini ukiui eqqumaffigikkut, oqaloqatigiinnerup ukiuinut tulluartuunissaa eqqarsaatigalugu. Ajunngilluinnarpoq meeqqavit oqaluttuunissaa illit/inersimasut aammattaaq ilaannikkut aarlerisinnaasaravit/-ramik, kisianni maluginiaruk qitornavit akisussaaffigissanngimmagu illit toqqissisimalernissat. Tamatuminnga inersimasup allap ikiussavaatit.

Aajuku pisutsit qanoq iliuuseqarfiginissaanut siunnersuutitsialaat, aamma illit qitornavillu sapinngisamik allanngujuissuseqartumik toqqissisimanartumillu inuunissassinnik qulakkeerinnissinnaasut.

Imarisai

- 5 Qitornavit pissusilersornera maluginiartaruk (aamma illit pissusit)
- 6 Ulluinnarmik toqqissisimatitsisumik sinaakkutalimmik pilersitsigit
- 7 Ullut tamaasa nutaarsiassat saqqummertartut killilersukkit
- 8 Paasissutissiinerit eqqunngitsuunerisa paasinissaat ilikkaruk
- 10 Ataatsimuussusermik misigisimaneq pitsanngorsaaqataaffigiuk
- 12 Tarnikkut peqqissutsit paariuk
- 15 Qitornatit peqatigalugit pilersaaruserit





Qitornavit pissusilersornera maluginiartaruk (aamma illit pissusit)

Meeqqat amerlanertigut nutaarsiassat ilaat tusaasarpaat inersimasullu pissusilersornerat aamma oqallinnerat takusarlugit, meeqqat namminneq immaqqa paasinngisaminnik. Taamaattumik isumatusaarnerussaaq qitornavit pissusilersornera immikkut maluginiartarnissaa. Qitornavit pissusilersornera allanngorpat imaassinnaavoq qitornat annilaangasoq imaluunniit aarlerisoq, iluamilli oqaatigisinnaanagu. Inersimasoq toqqissisimanartoq pisariaqartippaat, taanna misigisaannik paasinnessinnaallunilu oqallisigalugit qaangiiniartitsisinnaavoq.

Apersoruk qitornat qanoq innersoq, imaluunniit apersoruk arlaannik tusaasaqarsimanersoq toqqissisimalersitsinngitsunik. Piffissaqarfigilluarlugu oqaloqatiginissaa isumagissavat aamma meeqqat misigisai akueralugit, meeraq itigartinneqartutut misiginnginniassammat. Ajunngilaq arlaat ersinartutut ajornartutulluunniit misigisaqarfigigaanni. Aammattaaq ajunngilaq uagut inersimasutut aaqqiissutissaqanngikkaangatta imaluunniit akissutissaqanngikkaangatta, pitsaasumik qitornatta oqaloqatiginissaat qununata ingerlassinnaagutsigu pingaarneruvoq.

Meeqqat tamarmik eqqaminni angajoqqaaqannginnerat maluginiartarnissaa isumassarsiatsialaavoq, taamaappat inersimasumik allamik toqqissisimanartumik pisariaqartitsipput. Meeqqat inuusuttullu innarluutillit aammattaaq toqqissisimanermik pisariaqartitsisinnaapput, taakku meeqqanit allanit pissutsit allat pillugit immikkut ersilersinnaasarmata imaluunniit aarlerilersinnaasarmata. Pingaarnerpaaq tassaavoq inersimasumik toqqissisimanartumik oqaloqatiginnissinnaanissaat aamma tusarnaarlunilu misigisaannik akuerinnittussamik. Imaassinnaasoq meeqqat inersimasuni toqqissisimanartitaat illiusoq.

Ulluinnarmik toqqissisimatitsisumik sinaakkutalimmik pilersitsigit

Sinaakkutit sungiusimanartut ileqqoralugit meeqqanut inersimasunullu toqqissisimanermik allannguissusermillu misiginissamut iluaqutaasarpuit. Nunarsuaq maanna toqqissisimanangippat, taava ulluinnarni sungiusimallugit ileqquliutat annikitsunnguit aamma pitsaasut attatiinnartakkit. Soorlu nereqatigiinnerusinnaapput, ilinniagassanik suliaqarneq, uagut ullut tamaasa immitsinnut pisariaqartitagut oqaloqatigiissutigalugit, 'suut ullumi tusarpakka/misigaakka' paasiniaarlugit.

Meeqqat piuaaffigikkitt illup iluani suliaassanut ikiuinissaannik, aamma ikiuiniarneranni nersualaartakkit, imaluunniit nersulaarlugit pitsaasumik suliaqaraangata. Tamakku meeqqat toqqissisimanissaannut peqataasarpuit, ikiuigaangata misigigaangamillu inersimasut takusinnaagaatik.

Siunnersuutitsialaat

Qaqqamut
pisuttuaqatigikkitt imaluunniit
Aanaa aamma Aataamut
pulaaqatigalugit. Illit aamma
qitornavit peqqissusianut
iluarisimaarnissamullu
pingaartuuvoq aneernissaq
timillu aalatilaarnissaa.



Ullut tamaasa nutaarsiassat saqqummertartut killilersukkit

Ajornanngitsumik inuit kikkut tamarmik attaveqaqatigiittarfiini misissuiinnalertoornartarpoq nal. akunnerpassuini issiaannarluni nutaarsiassanik aamma inuit attaveqaqatigiittarfiini atuarluni, ingammik piffissami nalorninartorsiorfiusumi imaluunniit inuunermi allanngorluinnarfiusumi. Pingaartuuvoq ilisimasaqarnissaq, kisianni nutaarsiassat aamma inuit attaveqaqatigiittarfiini nutaarsiassat amerlanertigut aaqqiagiinngilernissamik qitiutitsisut pitsaanngitsumik aallaaveqartarput. Taamaattumik eqqarsariartaatsitigut pikkunartorsioertitsisinnaapput tamakku ingasattumik atuartaaraanni. Taamaammat ilisimajuk, qanoq nutaarsiassa qarfiit atornissaat aamma qanoq sivisutigisumik atuartarnissaat.

Assersuutigalugu ullup ingerlanerani piffissani marlunni aaliangersimasumik killilersukkani nutaarsiassat takusarnissaat toqqaruk. Isumassarsiatsialaavoq iterninni nutaarsiassanik atuartannginnissaq, qaratsat periarfissiguk ullormi nutaami aallartilluarnissaanut. Aammattaaq isumatusaarnerunngilaq sinililinnngitsiarnermi nutaarsiassanik atuartaarnek, illit qaratsavit eqqissinissaa ajornakusuulersinnaavoq aamma unnuaq naallugu nutaarsiassat pillugit eqqarsaateqarusaarnermik kinguneqarsinnaavoq.

Qitornavit piffissami aalajangersimasumi skærmip saavaniinnissaa isumaqatigiissutigiuq, taamaalilluni qitornat nutaarsiassat pillugit eqqarsaateqarusaannginniassammat. Aamma ajornanngippat ataatsimoorlusi nutaarsiassamik pitsaasumik ullormut ataasiarluni tusarnissaq ujjartorneqarsinnaavoq, taamatut ataatsimoorluta silarsuup aamma pitsaasoqarnera puigunnginniassagatsigu, piffissallu pitsaasut takkuteqqinnissaannut sulii neriuteqarluta.



4



Paasissutissiinerit eqqunngitsuunerisa paasinissaat ilikkaruk

Ilisimareersimassavat internetikkut atuakkat tamaasa upperineqannginnissaat. Piffissami ajornartorsiorfiusumi paasissutissiinerit eqqunngitsut aamma "fake news" pilertornerpaamik siaruartarput. Silassorissusermik (AI-mik) ilaat suliaasarput, internetikkut robot-it atorlugit pilertornerpaamik siaruartartut. Allat inunnit piaaraluni suliarineqartarput, inunnik paatsiveerutsitserusuttunit imaluunniit oqaloqatigiinnissamik aamma aaqqiissuteqarnissamik kissaateqanngitsunit. Aamma nammineerluta paasissutissanik eqqunngitsunik siaruaasinnaavuguttaaq, tassa paasinngikkutsigu ilisimasat eqqunngitsuusut.

Eqqunngitsunik paasissutissiinerit tassaapput paasissutissat eqqunngitsut nammineq imaluunniit arlaata ilisarissimasap siaruartertuugai, pissutigalugu paasissutissat kukkusuuinerat/eqqunngitsuunerat namminneq ilisimannginnamikku.

Eqqunngitsumik paasititsinerit (fake news) tassaapput nutaarsiassat piaaraluni siaruarterneqartut, toqqissisimatitsinnginnissamik kinguneqartut, tusatsiakkat eqqunngitsut, inunnik assigiinngisitsinnissamik aamma avissaartuunnissamik imaluunniit uumissuilernissamik kinguneqartitserusuttunit.

Illit imminut, qitornat aamma avatangiisitit illersorsinnaavatit apeqqutiniq tulluuttunik imminut aperinikkut internetimi atuakkatit pillugit:

- **Kiap** allataraa?
- **Sumit** pissarsiaava, sumit saqqummersitaava (KNR, BBC, Facebook, TikTok..)?
- **Sumit** pisuua? (Pisortanit, profil-ilimit ilisarisimanngisamit, tusagassiortunit, Afrikami "akkammit" pisuujusumit, UNICEF.)
- **Qanga** saqqummersinneqarpa? (Nutaajuguni, taava taanna ilaannakunngorlugu ataatsimut saqqummiussamit pisuusimassaaq...)
- Nittartagaq innersuussaq **piviusuunerpa**, e-mail-adressia eqqumiippasippa?
- **Eqqarsaatigilluaruk** paasissutissaq taanna sooq siaruarniarnerit pillugu, najukkami inuiaqatigiinni iluaqutaassava, saqqummiussaq pingaarneq pingaartuua, paasissutissaq kinguneqarluartussaava imaluunniit ajorpa..?



Aammattaaq qitornat internetimi paasissutissarpassuarnik misissuisinnaaneraniq ikioruk. Ataatsimoorlusi paasissutissat eqqunngitsut pillugit assersuutit pissarsiarisinnaavasi, oqaloqatigiissutigalugillu paasissutissarsiffiit/soqutigisaqatigiiffiit sorliit naatsorsuutigineqarsinnaanersut. Soorlu assersuutigalugu paasissutissat politiinit, peqqinnissaqarfimmit, imaluunniit NGO-nit, soorlu MIO-mit imaluunniit UNICEF-imit. Isumassarsiatsialaavorli misissortarnissaat, tassami inuit ilaat piaaralutik paasissutissanik, soorlu politiineersuusutut isikkulinnik saqqummiussaqartarsinnaammata, tassaasunilli paasissutissat eqqunngitsuusut. Politiit soorlu assersuutigalugu gmail atornavianngilaat, taamaattumik takusinnaavat salloqittaataasoq. Imaluunniit politiit najukkami nittartagaat imaluunniit Facebookimi quppernerat takusinnaavat paasissutissaq aammattaaq taakkunani allassimanersaq misissorlugu.

5

Ataatsimuussusermik misigisimaneq pitsanngorsaaqataaffigiuk

Piffissat aaqqiagiinngiffiusut amerlanertigut pigiliutiinnakkamik isummanik, inunnik pitsaanngitsumik isummerfigalugit naqissusiinermik aamma kamannermik kinguneqarajuttarput. Nunanut allanut aamma inunnt allanut taamatut kinguneqarsinnaasarp. Qanorluunniit pisoqarpat, tamanna tarnikkut pitsaanngitsumik sunniuteqartarpoq, aamma ajornartoorfiup ulluinnarni inuunermi qanoq iliuuseqarfiginissaanut sunniuteqartarluni.

Taamaattumik maluginiartaruk illit pisut imaluunniit inuit pillugit attaveqaqateqartarnerit qanoq innersoq, tamanna pisumut akisussaasuusinnaammat. Ingammik qitornannut.

Qitornavut uumissuineramik oqaluttarnermik, race tunngavigalugu immikkoortitsineramik aamma isummanik pigiliutiinnakkanik, taamatut inoqatinut oqaluttarnerup nalinginnaasuuneranik ilikkartittoorsinnaavagut, meeqqat namminneq pisuni allani taamatut pissusilersorsinnaalertarlutik, namminerminnut, innuttaaqatinut aamma uagut inuiaqatigiisunut ajoqutaasumik.

Ussernartorsiortoqarluarsinnaavoq inuk imaluunniit nuna alla *ajortuunerarlugu*, *niaqulaartuunerarlugu* imaluunniit allatut eqqaallugu nammineq saassunneqartutut misigigaanni. Taamaakkaluartoq isumatusaartumik eqqaamaneqarsinnaavoq nunami allami inuit tamarmik ajortuunngimmata aaqqiagiinnginnissamillu kissaateqartuunngimmata. Tamatumunnga taarsiullugu meeqqat oqaloqatigineqarsinnaapput inuk taanna imaluunniit nunami uani pitsaanngitsunik aalajangiisoqartarmat, imaluunniit uagut nunarput kulturerpullu paasisimasaqarfiginngikkaat, taamaattumillu taamaaliortut uagut eqqunngitsutut isumaqarfigisatsinnik.

Uagutsinnut tamatsinnut ajornarsinnaavoq, kisianni tamatuma maluginiartarnissaat sungiusaruk illillu attaveqaqatigiittarfinni akueriuk aammattaaq pitsaasumik immitsinnut paarisinnaagatta.



6

Tarnikkut peqqissutsit paariuk

Inersimasunut ajornakusoorsinnaasarpog pisuni aaqqiagiinngiffiusuni pissutsillu nalinginnaasuumik ingerlannginneranni pissusissamisoornerusumik periarfissarsiorsinnaaneq. Nutaarsiassarpassuaqarnera naammatsinnarsinnaasarpog, aammattaaq sunnertittoqarsinnaavoq nammineq, ilaquuttat siunissarlu pillugit aarlerilersinnaallunilu annilaangalersinnaalluni. Taamatut qisuariarneq pissusissamisuuginnarpog nalinginnaasuullunilu.

Illit tarnikkut peqqissutsit paariniarlugu imaaliorsinnaavutit:



Anersaartorluarnissamut sungiusartoqarsinnaavoq.

Assatit naannut tutsillugit anersaartorninni maluginiassavat ilummoortarnerit aamma silammoortarnerit, imminullu maluginiartarlutit. Arriitsumik itisuumik sorlukkut ilummut anersaartorit, arriitsumillu qanikkut silammut aniatittarlugu. Sungiusagassaq tamanna tallimariarlugu uteqattaarneqassaaq.



Misigisat pappiaqqamut allaguk: Allaguk, soorlu assersuutigalugu oqaaseqatigiit aallartikkitt *"maannakkorpiaq misigivunga..."*. Allatut aamma iliorsinnaavutit, misigisat titartarsinnaavat, tamanna eqqissisitsissaaq illillu eqqissiimissallutit. Eqqarsaaterpassuavit *"aaqqissuunnissaannut"* tamanna iluaqutaasarpoq.



Imminut pitsaasumik pisarit.

Killormorluinnaq kinguneqarsinnaasarpoq immi-
nut nuannaartuaannarnissamut suullu tamaasa
aqussinnaanissaanut piumasaqarpallaartaraanni.
Taamaattumik isumassarsiatsialaavoq maannakkorpiaq
misigisat misiginissaanut inissaqartinnissaanik
kinguneqarnerlunngitsumik. Soorlu assersuutigalugu immi-
nut oqarfigisoqarsinnaavoq:

*"Aarlerivunga aamma annilaangavunga, kisianni tamanna imatut
isumaqanngilaq uanga pisoq iliuuseqarfigisinnaanngikkiga",
"piffissaq ajornartuusimavoq, kisianni aarlerinermik
misigisaqarneq ajunngilaq/taamaattussaavoq".*

Eqqaamasat nuannersut eqqarsaatigikkitt, ullorlu
oqimaakkaangat iluaqutaassaaq qitornatit peqatigalugit,
eqqaamassavasi pisimasut nuannersut eqqartornissaanut.



Inersimasoq alla tatigisat oqaloqatigiuk. Illit sinnerlutit
pisunik aaqqiissuteqartariaqanngillat, kisianni amerlasuutigit
iluqutaasarpoq pisoq pillugu oqaloqateqarneq,
minnerunngitsumillu misigisanik ilinniilersunik oqaasinngineq.
Aammattaaq iluaqutaasarpoq eqqarsaatit *"aaqqissornissaanut"*,
ajornanngippallu pisoq pillugu qitornassinnik qanoq
pitsaasumik toqqissisimanartumillu oqaloqatiginninnissaq
pilersaarusiornissaanut.

Kinaanerit paasitinngikkaluarlugu akeqanngitsumik ulloq
unnuarlu Tusaannga 801180-mut sianerfigisinnaavat, 1899-mut
sms-ersinnaavutit aamma nittartakkakut www.tusaannga.gl-kkut
siunnersuisumik chat-eqateqarsinnaavutit.



Timit aalatiguk. Timip aalatittarnera misigisat pitsaasumik qisuariarfiginissaanut aammattaaq kinguneqarsinnaasarpog. Pinngortitami pisuttuarterit, erinaq nuannarisat tusarnaajutigalugu qitittarit, ikinngutitit peqatigalugit timersortarit, qimmitit takuniakkit. Ullut tamaasa timip aalatittarnera tarnikkut peqqissutsinnut iluaqutaasarpog, sinilluarnerusassaattillu.



Aanngajaarniutitortarnissaq pinngitsoortiguk.

Allatut periusissat peqqinnarnerusut toqqartakkit. Imigassartortarnerup misigisat nuanninngitsut nipaallisinnagit sakkortunerulersissinnaavai. Tamatuma saniatigut maluginiartassavat qitornannik toqqissisimannginnerulersitsinerlutit. Imigassartornerup kinguneranik misigisavit periutsivillu nakkutiginnissaat ajornartinnerulersinnaavatit, tamatuma kinguneranik kamaammernermik imaluunniit naleqqutinnigsumik iliuuseqartoqarsinnaalluni.

Illit qitornatit ilitulli aarleritigippata, taava inersimasut qaniginerpaasat aalakoorpata sulii aarlerinerulernerannik kinguneqassaaq.

Qitornatit peqatigalugit pilersaaruserit

Ilinnut qitornannullu toqqissisimanermik aamma aqutsisinnanermik misigisaqartitsissaaq, ilissi arlaannik assigiinngitsunik aaqqiagiinnginnermi pisoqassagaluarpat ataatsimoorlusi qanoq iliorsinnaanersi oqaloqatigiissutigisimagussiuk. Eqqaamallugu illit tamanna akisussaafigigakku, qitornaviunngitsoq. Kisianni qitornavit peqataatinnerisigut qitornannut toqqissisimanerulersitsissaaq arlaannik pisoqassagaluarpat qanoq iliorsinnaanissinnik ilisimasaqarunik. Isumassarsiatsialaavoq ilaqutariittut upalungaarsimanissamut ilissinnut tulluurtumik annikitsumik pilersaaruserisaaq.

Taamaammat pingaartuuvooq tamanna pillugu eqqissisimanissaaq, assersuutigalugu qitornat oqarfigissallugit imaassinnaasoq upalungaarsimanissamut pilersaarut piviusunngortinnissaa pisariaqalissanngitsoq, kisianni ilaqutariit tamarmik ilisimasaannik pilersaaruteqarnissaaq pitsaasuusoq. Meeqqat ajornanngippat upalungaarsimanissamut pilersaarut titartarlugu ikiuisinnaapput. Sapinngisamik siunnersuutit taakku arfineq-marluk malissigut, ajornartoornermi immissinnut toqqissisimanartumik isumannaatsumillu qaangiinissassinnut iluaqutaasumik.



